


ყველაზე პატარა კონტინენტი



ავსტრალია ყველაზე პატარა კონტინენტი. იგი მდებარეობს დედამიწის სამხრეთ ნაწილში. კონტინენტს აღმოსავლეთით ესაზღვრება წყნარი ოკეანე, დასავლეთით – ინდოეთის ოკეანე. კონტინენტზე ერთადერთი ქვეყანაა – ავსტრალია.

ეს პატარა კონტინენტი ბევრი რამით არის **გამორჩეული**. აი, თუნდაც მსოფლიოში უდიდესი მარჯნის **რიფები** გავიხსენოთ. როგორც იცი, რიფი წყალქვეშა კლდეა. მარჯანი კი წყლის ცოცხალი ორგანიზმია, რომელიც საცეცებით არის მიმაგრებული ოკეანის ფსკერზე. სწორედ ეს მარჯნები ქმნიან რიფებისა და კუნძულების უდიდეს ჯაჭვს. ის ავსტრალიის სანაპიროებთან 2000 კმ-ზეა გადაჭიმული. მას **ბარიერულ** რიფს უწოდებენ. ბარიერული რიფის დიდი ნაწილი წყალქვეშ არის და წყლის **მიქცევის** დროს გამოჩნდება ხოლმე. რიფი წყალზე მიმოსვლას ხელს უშლის. როგორც ცნობილია, მოგზაურ ჯეიმს კუკის გემიც რიფს წამოედო და ოკეანეში ჩაიძირა. სწორედ ასე აღმოაჩინა მან ეს ულამაზესი და გასაოცარი წყალქვეშა სამყარო.

ავსტრალია დედამიწის ყველაზე მშრალი კონტინენტი. მისი უდიდესი ნაწილი **უდაბნოს** უჭირავს. შედარებით ნესტიანი ქვეყნის ჩრდილოეთი ნაწილია.

ავსტრალია მოსახლეობის სიმრავლით არ გამოირჩევა. კონტინენტებს შორის იქ ყველაზე ცოტა ადამიანი ცხოვრობს. მისი ძირძველი მოსახლეობა დღემდე მისდევს ძველებურ ადათ-წესებს. აბორიგენების ცნობილი იარაღი არის ბუმერანგი. იგი ნადირობის დროს გამოიყენება. თუ ჰაერში ტყორცნის შემდეგ მიზანს ვერ მოხვდა, ბუმერანგი მფლობელს უკან უბრუნდება.

ავსტრალიის ხსენებაზე, ალბათ, კენგურუ გახსენდება. ნაიკიოხე ეს ტექსტი და ავსტრალიაზე კიდევ ბევრ რამეს გაიგებ.

ავსტრალიაში ფართოდ გავრცელებული საქმიანობა არის მეცხვარეობა. შეიძლება გაგეცინოს, მაგრამ აქ ცხვრების რაოდენობა მოსახლეობის რიცხვს ხუთჯერ აღემატება.

ავსტრალია საინტერესოა იშვიათი ჯიშის მცენარეებითა და ცხოველებით. ტყეში შეხვდები კოალას, რომელსაც დათვს ეძახიან. თუმცა მას დათვთან არაფერი აქვს საერთო. აქვე ბინადრობს ყველაზე ცნობილი ჩანთოსანი კენგურუ. მისი ნაშვილი ძალიან პატარა და **უსუსურია**. იგი როგორც კი დაიბადება, დედის ჩანთაში მოკალათდება ხოლმე.

ავსტრალიაში გვხვდება უცნაური ფრინველი კივი. მას პატარა და განუვითარებელი ფრთები აქვს, ამიტომაც ვერ დაფრინავს. კივის ბუმბული უფრო ცხოველის ბენვს წააგავს. თუ გაგიმართლა, ავსტრალიის ტყეებში ნახავ თუთიყუმ კაკადუს. თუმცა იგი ბუნებაში სულ უფრო ნაკლებად გვხვდება, რადგან ძირითადად მოშინაურებული ჰყავთ. აქ ბინადრობს მსოფლიოში უდიდესი ფრინველი ემუ. ის სირაქლემის ერთ-ერთი სახეობაა. ემუს ხორცისა და ცხიმის გამო იშინაურებენ კიდევც.

აი, ასეთია ყველაზე პატარა კონტინენტი. თუ დაინტერესდი, აუცილებლად ეს ტუმრე მას, როცა გაიზრდები.

რა გაიგე ახალი და საინტერესო ავსტრალიის შესახებ?

▶▶▶ ტექსტის გაგება

ყოველ შეკითხვას შეურჩიე თითო სწორი პასუხი.

1 მეორე აზვაციის ძირითად აზრს გადმოსცემს წინადადება:

- ა) მარჯანი არის ცოცხალი ორგანიზმი და მას აქვს საცეცები.
- ბ) მარჯნის პოლიპების ულამაზესი სამყარო ჯეიმს კუკმა აღმოაჩინა.
- გ) მსოფლიოში უდიდესი ბარიერული რიფი ავსტრალიის სანაპიროზეა.

2 ტექსტის მიხედვით, ავსტრალიის მოსახლეობა:

- ა) მთლიანად აბორიგენია.
- ბ) მხოლოდ ნადირობით ირჩენს თავს.
- გ) სიმრავლით არ გამოირჩევა.

3 რომელი დეტალი არ ჩანს ტექსტში?

- ა) რამდენი ადამიანი ცხოვრობს ავსტრალიაში.
- ბ) რა საქმიანობას მისდევენ ავსტრალიელები.
- გ) რით გამოირჩევიან ავსტრალიელი აბორიგენები.

4 თუთიყუშ კაკაღუს ტყეში იშვიათად შეხვდები, რადგან:

- ა) იგი გადაშენების პირას მყოფი ფრინველია.
- ბ) იგი ძალიან მშობარაა და ადამიანებს გაურბის.
- გ) იგი ძირითადად მოშინაურებული ჰყავთ.

5 ტექსტის მთავარი მიზანია გაგვაცნოს:

- ა) რატომ იშინაურებენ ავსტრალიელები ემუს.
- ბ) რით გამოირჩევა ავსტრალიის კონტინენტი.
- გ) რისთვის იყენებენ აბორიგენები ბუმერანგას.

▶▶▶ ლექსიკა

1 გაარკვიე ხაზგასმული სიტყვების მნიშვნელობები.

- ავსტრალია ბევრი რამით არის **გამორჩეული**.
 - განსაკუთრებული.
 - გასაოცარი.
 - უცნაური.
- ავსტრალიის სანაპიროზეა მსოფლიოში უდიდესი **ბარიერული** რიფი. **ბარიერული** ნიშნავს:
 - განსხვავებულს.
 - დამაბრკოლებელს.
 - ლისშესანიშნავს.
- ავსტრალიის კონტინენტის დიდი ნაწილი **უდაბნოს** უკავია. **უდაბნო** ჰქვია:
 - ნესტიან, გამწვანებულ, დაუსახლებელ ადგილს.
 - უკაცრიელ, ულრან, დაუსახლებელ ადგილს.
 - უნყლო, უმცენარო, დაუსახლებელ ადგილს.
- კენგურუს ნაშიერი ძალიან პატარა და **უსუსურია**.
 - მშობარაა.
 - სუსტია.
 - ფრთხილია.

2 ხაზებით დააკავშირე ერთმანეთთან სიტყვები და მათი მნიშვნელობები.

- | | |
|---------------|---|
| 1. რიფი | ზღვის ან ოკეანის წყლის დონის პერიოდული კლება. |
| 2. კონტინენტი | წყალქვეშა კლდე. |
| 3. მიქცევა | ხმელეთის დიდი ფართობი, გარშემორტყმული ზღვებითა და ოკეანეებით. |

4 რომელია საპირისპირო მნიშვნელობის სიტყვები (ანტონიმები)?

- ა) გასაოცარი – უჩვეულო. ბ) მშრალი – ნესტიანი. გ) ცნობილი – განთქმული.

▶▶▶ გრამატიკა

1 ფრჩხილებში ჩასმული სიტყვები დაწერე სწორი ფორმით.

- ავსტრალია მდებარეობს დედამიწის (სამხრეთი) ----- ნაწილში.
- მარჯანი (წყალი) ----- ცოცხალი ორგანიზმია.
- (ავსტრალია) ----- ტყეებში ბინადრობს კაკადუ.
- ბარიერული რიფი არის (მარჯანი) ----- რიფების დიდი ჯაჭვი.

